



Газета 1966 йил 1 июлдан чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 208 (12.269)

Баҳоси эркин нарҳда

ТАШРИФ САМАРАЛИ БЎЛДИ

Аввал хабар қилинганидек, Ўзбекистон Республикаси Президенти Ислам Каримов Озарбойжон Республикаси Президенти Илҳом Алиевнинг таклифига биноан 11-12 октябрь кунлари расмий ташриф билан ушбу мамлакатда бўлди.

Ўзбекистон Президентининг ташрифи доирасидаги расмий тadbирлар 12 октябрь куни бўлиб ўтди. Озарбойжон раҳбарининг «Зуғулба» саройида Ўзбекистон Республикаси Президенти Ислам Каримовни расмий кутиб олиш маросими бўлди. Олий мартабали меҳмон шарафига фахрий қоровул саф тортиди. Ўзбекистон ва Озарбойжон давлат мадҳиялари янгради. Ислам Каримов ва Илҳом Алиев фахрий қоровул сафи олдида ўтдилар.

Президентларнинг яқма-яқма учрашувида Ўзбекистон ва Озарбойжон ўртасидаги икки ва кўп томонлама муносабатларга тааллуқли кенг қўламли масалалар муҳокама қилинди, томонларни қизиқтирган долзарб минтақавий ва глобал аҳамиятга эга муаммолар юзасидан фикр алмашилди.

Сўнгра давлат раҳбарлари музокараларни расмий делегациялар аъзолари иштирокида давом эттирдилар.

Кенгайтирилган таркибдаги музокаралар жараёнида савдо-иқтисодий, транспорт-коммуникация, илмий-техникавий, маданий-гуманитар соҳалардаги ўзаро муносабатлар билан боғлиқ масалалар кўриб чиқилди.

Музокаралар якунида Ислам Каримов ва Илҳом Алиев Қўшма баёнотни имзоладилар. Шунингдек, 2012-2015

йилларга мўлжалланган иқтисодий ҳамкорликка доир ҳукуматлараро дастурни амалга ошириш бўйича чора-тадбирлар режаси ва икки мамлакат Ташқи ишлар вазирликлари ўртасида ҳамкорлик дастури имзоланди.

Икки давлат раҳбарлари оммавий ахборот воситалари вакиллари билан учрашувда музокаралар самарали ва мазмунли ўтганини таъкидладилар, ташриф асносида имзоланган ҳужжатлар анъанавий дўстона муносабатларни янада ривожлантиришга янги суръат бахш этишига ишонч билдирдилар.

Президент Ислам Каримов ташриф доирасида Фахрийлар қабристонини зиёрат қилди ва озарбойжон халқининг буюк фарзанди Ҳайдар Алиев қабрига гулчамбар қўйди. Давлатимиз раҳбари Шаҳидлар хиёбонидаги Шаҳидлар хотираси монументига гулчамбар қўйди. Ўзбекистон Президенти Озарбойжон давлат байроғи майдони, Ҳайдар Алиев номидаги марказ билан танишди.

Шу билан Ўзбекистон Республикаси Президенти Ислам Каримовнинг Озарбойжон Республикасидаги расмий ташрифи ниҳоясига етди.

Анвар БОБОЕВ,
ЎЗА махсус мухбири
Тошкент-Боку-Тошкент

«Ўзбекистонда ижтимоий-иқтисодий сиёсатни амалга оширишда кичик бизнес ва хусусий тadbиркорликнинг роли ва аҳамияти» мавзуга бағишланган халқаро конференциянинг чет эллик иштирокчилари шундай фикр билдиришмоқда. Улар шу йил 12 - 14 сентябрь кунлари Тошкентда бўлиб ўтган мазкур халқаро анжуман якунлари ҳақидаги ўз фикр-мулоҳазаларини мамлакатимизнинг хориждаги дипломатия ваколатхоналарига маълум қилишмоқда.

Хусусан, «Pathfinder Trade and Invest» компаниясининг (Буюк Британия) бош ижрочи директори М.Томас конференция нафақат Ўзбекистон учун муҳим тadbир, балки халқаро миқёсдаги муваффақиятли воқеа бўлганини қайд этди. «Анжуманнинг мазмуни ва натижалари унда вакиллари қатнашган барча мамлакатлар учун муҳим аҳамият касб этди. Тadbир иштирокчилари ўзлари учун кичик бизнес ва хусусий тadbиркорликнинг тарраққиёти борасида янги гояларни кашф қилганликларига ишончим комил. Конференция доирасида турли мамлакатлардан келган маслаҳатдошлар билан мулоқот қилиш имконияти ҳам мени қувонтирди», деди у.

Британиялик ишбилармоннинг сўзларига қараганда, Ўзбекистон Президенти Ислам Каримовнинг анжуманда сўзлаган нутқи унда катта таассурот қолдирди. «Мамлакатингиз раҳбари кичик бизнес ва хусусий тadbиркорликнинг давлат тараққиётидаги ўрнини чуқур англайди. Бу соҳадаги муваффақиятлар кўлаб ижтимоий масалаларни, жумладан, нафақат Британия, балки бутун Европа учун долзарб аҳамиятга эга бўлган аҳоли бандлиги муаммосини ҳал қилишнинг мақбул йўлидир», дея қайд этди М.Томас.

«ТОШКЕНТ АНЖУМАНИ ХАЛҚАРО МИҚЁСДА МУВАФФАҚИЯТЛИ ВОҚЕАДИР»

Конференция чоғида Бухорога уюштирилган сафар ҳақида сўзлар экан, М.Томас мазкур кўна шаҳар ўзида унутилмас таассуротлар қолдирганини айтди. «У ердаги кўна меъморий обидалар эҳтиёткорлик билан сақлангани ва ҳозирги вақтда ҳам шундай ажойиб ҳолатда тургани бевосита давлатингизнинг хизматидир, деди у. Ўзбек халқининг қадим маданияти ва анъаналари ҳам бу заминга қадим қўйган инсоннинг хотирасида абадий қолади. Мен Ўзбекистондек меҳмондўст мамлакатни ҳеч қачон кўрмаганман».

Британия шаходатли хисобчилар институтининг ижрочи директори Г.Картер Тошкентда бўлиб ўтган, кўп сонли иштирокчиларни ўз атрафига жамлаган мазкур халқаро анжуман юксак даражада ташкил этилганини эътироф этди.

«Мамлакатингизга сафарим давомида Ўзбекистонлик ҳамкасбларим билан мулоқот қилиш имкониятига эга

бўлдим. Бўлиб ўтган мулоқотлар чоғида институтимизнинг Ўзбекистон ҳисобчилик инфратузилмаси тараққиётига кўмаклашиши масалаларини муҳокама қилдик. Бизнинг ҳамкорлигимиз ҳам, шубҳасиз, янги иш ўринларининг яратилиши ҳамда кичик бизнес ва хусусий тadbиркорлик тармоқларидаги молиявий барқарорликни таъминлашга хизмат қилади», деди у.

Бирлашган Миллатлар Ташкилотининг Европа ва янги мустақил давлатлар учун саноат тараққиёти бўйича дастури (ЮНИДО) раҳбари О.Мемедовичнинг фикр билдиришича, мазкур конференция ишида иштирок этиш унга нафақат мамлакатимиз эришган ижтимоий-иқтисодий муваффақиятларини ўз кўзи билан кўриш ва ишонч ҳосил қилиш, балки Ўзбекистоннинг бой маданий-тарихий мероси билан ҳам яқиндан танишиш имконини берди.

(Давоми 2-бетда)

ПОЙТАХТНИНГ БИР КУНИ



ИҚТИДОРЛИ ЁШЛАР — ДОИМИЙ ЭЪТИБОРДА

Ёшлар ижод саройида «Ўзбекистон маданияти ва санъати форуми» ва «Меҳр нури» жамғармалари томонидан таъсис этилган Таълим грантлари дастури ва Иқтидорли талабалар учун стипендиялар дастури қўлибларини тақдирлашга бағишланган тadbир бўлиб ўтди.

Он-лайн тарзда ташкил этилган тadbирда турли вазирлик ва идоралар, жамоат ташкилотлари вакиллари, ўқитувчилар, талаба-ёшлар иштирок этди.

Мамлакатимизда ёшларга пухта таълим-тарбия бериш, уларнинг эзгу орузинтилишлари, истеъдод ва қобилиятини юзга чиқаришга кўмаклашиш давлатимиз раҳбари юритаётган сиёсатнинг устувор йўналишларидандир. «Ўзбекистон маданияти ва санъати форуми» жамғармаси томонидан амалга оширилаётган қатор лойиҳалар ҳам ана шу мақсадларга хизмат қилмоқда.

2005 йилдан буён ўтказиб келинаётган Таълим грантлари дастури олий таълим муассасаларига шартнома асосида ўқишга кирган талабаларнинг бир йиллик шартнома пулини тўлаб бериш, Иқтидорли талабалар учун стипендиялар дастури эса ўқиш жараёнида муваффақиятларга эришган ёшларни моддий ва маънавий қўллаб-қувватлашга қаратилган.

Жорий йилда мазкур грантлар учун ўтказилган танловда тўрт минг нафарга

яқин талаба қатнашди ва уларнинг 237 нафари қўлиб бўлди.

— Мамлакатимизда ёшларни қўллаб-қувватлашга қаратилган лойиҳалар кўп, — дейди Тошкент давлат шарқшунослик институти талабаси Барно Дўсметова. — Бундай лойиҳаларда қатнашиш бизни янада фаолликка, изланиш ва камолотга ундайди.

Тadbирда танлов қўлибларига диплом ва сертификатлар топширилди.

Он-лайн мулоқотда Қоракалпоғистон Республикаси, барча вилоятлардаги ёшларга «Ўзбекистон маданияти ва санъати форуми» жамғармасининг маърифий лойиҳалари ҳақида атрафлича маълумот берилди. Шунингдек, яқинда Эронда футбол бўйича ўтказилган Осиё чемпионатида қўлиб бўлган Ўзбекистон ўсмирлар терма жамоаси аъзоларига соғвонлар топширилди.

Санъат усталари ва ижрочи ёшлар иштирокидаги концерт тadbирга файз киритди.

Назкат УСМОНОВА,
ЎЗА мухбири

Олий Мажлис Қонунчилик палатасида

ҚОНУН ЛОЙИХАСИ МУҲОКАМА ҚИЛИНДИ

Ўзбекистон Республикаси Олий Мажлиси Қонунчилик палатасининг Мудофаа ва хавфсизлик масалалари қўмитаси томонидан «Ўзбекистон Республикасининг «Йўл ҳаракати хавфсизлиги тўғрисида»ги қонунга ўзгартиш ва қўшимчалар киритиш тўғрисида»ги қонун лойиҳаси муҳокамасига бағишланган давра суҳбати ўтказилди.

Тadbирда депутатлар, тегишли вазирлик ва идоралар, сиёсий партиялар ва Ўзбекистон Экологик ҳаракати вакиллари, олимлар ва мутахассислар, оммавий ахборот воситалари ходимлари иштирок этди.

Йўл ҳаракати хавфсизлигини таъминлаш жамиятимиз олдида турган долзарб вазифалардан биридир. Мустақиллик йилларида мазкур соҳадаги муносабатларни тартибга солишга қатор меъёрий-ҳуқуқий ҳужжатлар қабул қилинди. Хусусан, Ўзбекистон Республикасининг «Йўл ҳаракати хавфсизлиги тўғрисида»ги қонуни амалда қўлланилмоқда. Мамлакатимизда автомобилсозликнинг жадал ривожланиб, транспорт инфратузилмаси мустаҳкамланаётгани, янги автомобиль йўлларининг қурилиши бу борадаги қонунчиликни янада такомиллаштиришни тақозо этмоқда. Шу мақсадда «Ўзбекистон Республикасининг «Йўл ҳаракати хавфсизлиги тўғрисида»ги қонунга ўзгартиш ва қўшимчалар киритиш тўғрисида»ги қонун лойиҳаси ишлаб чиқилди.

(Давоми 2-бетда)



МАМЛАКАТИМИЗДА

● Пойтахтимиздаги Миллий матбуот марказида Ўзбекистон Республикаси Президенти ҳузурдаги Давлат бошқаруви академияси томонидан «Сиёсий жиҳатдан етуқ раҳбар кадрларни тайёрлаш ва қайта тайёрлаш: амалиёт ва янги тажрибалар» мавзусида матбуот анжумани бўлиб ўтди.

● Янгиқўрган туманидаги «Ибрат ривож меваси» фермер ҳўжалиги тасарруфидаги экинзор ва иссиқхоналарда йил давомида мева-сабзавот маҳсулотлари етиштирилади. Эндиликда бу ерда илғор технологиялар ёрдамида қишлоқ ҳўжалиги маҳсулотларини қайта ишлаш ва уларни бежирим идишларга қадоклаш ҳам йўлга қўйилди. Қишлоқ мулкдори Нўмонжон Умрзоқов саъй-ҳаракати билан амалга оширилган мазкур лойиҳа туфайли кичик корхонада кунига 10 тоннагача сабзавот қайта ишланмоқда. Бу эса ҳудуддаги деҳқон ва фермер ҳўжаликларида етиштирилган ҳосилни нест-нубуд қилмай қайта ишлаш имкониятини яратди. 12 киши меҳнат қилаётган цехда жорий йилда 600 тоннадан зиёд хом ашё қабул қилиб олинди. Ўтган қисқа фурсатда дастлабки 100 тоннадан ортиқ томат пастаси буюртмачиларга етказиб берилди.

● Янгийўл туманидаги болалар кийим-кечаклари ишлаб чиқаришга ихтисослаштирилган «Elnur&Ruslan Textile» хорижий компанияси ўз фаолиятини муттасил кенгайтирмоқда. Ўтган 3 йил мобайнида унинг «Bambino», «Simarik», «Elnur Bady» савдо белгилари остида сотувга чиқарилган кийим-кечаклари ички ва ташқи бозорда ўз харидорларини топиб улгурди. Бугун компания маҳсулотларининг 85 фоизи Европа ҳамда МДҲ мамлакатларига экспорт қилинаётгани ана шунинг далолати.

● Оролбўйи минтақасида Ўзбекистон Табиатни муҳофаза қилиш давлат қўмитаси томонидан «Йўқотилган денгиз: сабоқлар ва хулосалар» мавзусида медиатор ташкил этилди.

ЖАҲОНДА

● Австриялик скайдайвер Феликс Баумгартнер қарийб 39 километрик баландликдан муваффақиятли сакради. Баумгартнер стратосферага ҳаво шарига бириктирилган капсулада кўтарилди. Парвоз ўн дақиқа давом этди. Бундан аввал об-ҳаво шароитлари туфайли бир неча бор парвознинг вақти орта сурилган эди.

● Грузиянинг шарқий ҳудудларида 5,1 магнитудали зилзила содир бўлди. Бу мамлакат ҳудудида дам олиш кунларида кузатилган учинчи ва энг кучли зилзила бўлди. Маҳаллий ОАВ ана шулар ҳақида хабар берди. Журналистлар берган маълумотларга кўра, зилзиланинг эпицентри Озарбойжон чегарасидан бир неча километр узокликда жойлашган бўлса-да, ер ости силкинишлари Тбилисида ҳам сезилган.

● Американин «Индевор» фазовий кемаси Лос-Анжелесдаги музейдан ўрин олди. Ўтган яшанбада кемани шаҳар кўчаларидан соатиға 3 километр тезликда олиб ўтишди. Буни минглаб томошабинлар кузатди. «Индевор» кемаси сиғиши учун маҳаллий ҳокимият вакиллари 400 та даррахтни кесиб ташлашга мажбур бўлди.

● Швецияда иқтисодиёт бўйича 2012 йилги Альфред Нобель номидаги мукофот совриндори эълон қилинади.

ҚИСҚА САТРАЛДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **ЎЗБЕКISTON** Экологик ҳаракатида экологик назоратни таъминлашда нодавлат нотижорат

ташкilotлари, фуқароларнинг ўзини ўзи бошқариш органларининг фаоллигини оширишга бағишланган давра суҳбати бўлиб ўтди.

✓ **БУГУН** Тошкент Давлат иқтисодиёт институти қошидаги

Чилонзор академик лицейида ўқувчи-ёшлар ўртасида дин ниқобидаги экстремизм, миссионерлик ва оммавий маданият унсурларининг олдини олишга қаратилган «Маънавиятга таҳдид — ўзлимиз ва келажагимизга таҳдид» мавзусида

давра суҳбати ташкил этилди.

✓ **ЭРТАГА** Ўзбекистон Миллий матбуот марказида Ўзбекистон «Маҳалла» хайрия жамоат фонди ташкил этилганлигининг 20 йиллигига бағишлаб матбуот анжумани ўтказилади.

МУСТАҚИЛ ВАТАН ЁШЛАРИМИЗ

Ўзбекистон тарихи Давлат музейида Ўзбекистон хорижий мамлакатлар билан дўстлик ва маданий-маърифий алоқалар жамиятлари кенгаши, Тошкент шаҳар Турин политехника университети, Ўзбекистон Давлат жаҳон тиллари университети ҳамкорлигида «Мустақил Ватан ёшларимиз» деб номланган маънавий-маърифий тадбир ўтказилди.

Унда музей ходимлари, талабалар, профессор-ўқитувчилар билан бир қаторда, Италиянинг Ўзбекистондаги Фавкулда ва мухтор элчиси, жаноб Риккардо Макара, Ўзбекистон — Италия дўстлик жамияти раиси Бахтиёр Якубов ҳамда Ўзбекистон — Италия дўстлик жамиятининг фаол аъзолари қатнашдилар.

— Дунёнинг ҳеч бир бурчагида оилани биз ўзбекларчалик асрайдиган, уни муқаддас деб ҳисоблайдиган миллат топилмаса керак. — Миллий қадриятларимизни асраб-авайлашда, юртининг тинч-тотув бўлишида, жамиятнинг ривожланишида оиланинг ўрни ва аҳамияти беқиёсдир, — деди жумладан ўз сўзида Ўзбекистон хорижий мамлакатлар билан дўстлик ва маданий-маърифий алоқалар жамиятлари кенгаши раиси, академик С. Фуломов.

Тадбир давомида сўзга чиққан Италиянинг Ўзбекистондаги Фавкулда ва мухтор элчиси, жаноб Риккардо Макара юртимизнинг кундан кунга чирой очиб бораётганини, тарихий обидаларимизни кўз қорачиғидай асраб келаёқ авлодга етказиб бериш борасида қилинаётган саъй-ҳаракатлар, қолаверса, оиланинг мустақамлигини таъминлашда олиб борилаётган ишлар хусусида тўхталиб ўтди.

— Юртингиз бўйлаб сайр қилганимда Самарқанд, Бухоро, Хива каби шаҳарларнинг жозибдорлиги мени жуда завқлантирди. Айниқса Самарқандда қад кўтарган меъморий обидалар, тарихий қадимжоларни кўриб ўзгача таассуротларга эга бўлдим, — дейди жаноб Риккардо Макара.

Шунингдек, Тошкент шаҳар Турин политехника университети талабаси Муслимбек Пирназаров ва Ўзбекистон Давлат жаҳон тиллари университети талабаси Азиза Абдулазизовалар ҳам Мустақам оила йилида амалга оширилаётган кенг қўламли ишлар хусусида ўз фикр-мулоҳазаларини билдирдилар. Алишер Навоий номли Давлат



академик катта опера ва балет театри директори, Ўзбекистон — Италия дўстлик жамияти раиси Бахтиёр Якубов Италия — Ўзбекистон мамлакатлари ўртасида дўстлик алоқалари борасида қилинаётган ишлар, ўзаро ҳамкорликнинг янада мустақамлишига хизмат қилаётганлигини таъкидлаб ўтди.

Тадбир якунида фаол иштирокчи ва талабалар Фахрий ёрликлар билан тақдирландилар.
Камола МАҲМЕДОВА

Спорт янгилликлари

ЧЕМПИОН ОЧКО ЙЎҚОТДИ

Мамлакат XXI миллий чемпионатининг профессионал футбол лигаси жамоалари ўртасида уюштирилган 22-тур баҳсларидан сўнг турнир жадвалидаги карвонбошилиқ яна «Пахтакор»га ўтди.

қучишини таъминлашди. Ушбу ўйиндан сўнг мавсумдаги ўзининг учинчи мағлубиятини тан олишга мажбур бўлган «Бунёдкор» иккинчи ўринга тушиб кетди.

Шунингдек, «Пахтакор» марказий стадионида азалий рақиблик «Пахтакор» ва «Нефтчи» жамоалари ўзаро куч синашишди. Ушбу беллашув жорий йилда фақат чемпионликка интилаётган «Пахтакор» футболчиларининг тўлиқ устунлигида ўтди. Тўқсон дақиқа давом этган

ўйинни кузатган мухлислар Абдухалиқов (2 та) ҳамда Махарадзе томонидан «Нефтчи» дарвозасига киритилган голларнинг гувоҳи бўлишди. Учрашувда 3:0 ҳисобида ғалаба қозongan пахтакорчилар «Бунёдкор»дан икки очкога ўзиб кетишди.

Қолган баҳсларда қуйидаги натижалар қайд этилди: «Машъал» — «Динамо» — 2:0, «Андижон» — «Насаф» — 3:4, «Навбахор» — «Металлург» — 1:0, «Шўртан» — «Бухоро» — 0:1, «Қизилқум» — «Олмалиқ» — 2:1.

Қадим Чин мамлақати мезонлик қилган «China Open» турнири мусобақаси охирига қадар ҳамюртимиз Денис Истомин зафарли одимлашда давом этди. Ўзбекистоннинг биринчи рақамли ракетка устаси Денис турнирнинг жуфтликлар мусобақасида аргентиналик шериги Карлос Берлок билан бирга финалга қадар йўлни мағлубиятсиз босиб ўтиб, бош соврин учун кураш олиб борди.

БОШ СОВРИН УЧУН КУРАШ ДАВОМ ЭТМОҚДА

Ушбу жуфтлик даставвал Максим Мирний (Беларуссия) Даниель Нестор (Канада) дуэтини 1-6, 6-3, 12-10 ҳисобида, иккинчи босқичда эса хиндистонлик Махеш Бхупати, Рохан Бопанна жуфтлигини 6-2, 7-6 ҳисобида мағлуб этиб, ярим финалга чиқди. Финалга бериладиган йўлланма учун британиялик Колин Флеминг ва Росс Хатчинс жуфтлигини 6-2, 6-3 ҳисобида енгган Карлос Берлок (Аргентина) Денис Истомин (Ўзбекистон) дуэти, ҳал қилувчи баҳсда америкалик машҳур жуфтлик Боб ва Майкл Браяналарга қарши куч синашишди. Қизгин кечган баҳсда америкалик жуфтлик 6-3, 6-2 ҳисобида ғалабага эришди.

Шуни маълумот ўрнида айтиб ўтиш жоизки, Пекин турнирида жуфтлик мусобақаларида финалга қадар етиб келган Денис Истомин ҳамда Карлос Берлок, Шанхай шаҳрида бошланган Мастерс туркумига кирувчи халқаро турнирнинг яққалик баҳсларида бир-бирларига рўбарў келдилар. Шанхай (Хитой)да теннис бўйича ўтказилаётган «Шанхай Ролекс Мастерс» нуфузли халқаро турнирида ҳамюртимиз Денис Истомин асосий турнирнинг дастлабки учрашувида муваффақиятга эришди. Аргентиналик Карлос Берлокка қарши кечган учрашувда Денис Истомин уч сет якунларига кўра 4-6, 6-2, 6-1 ҳисобида ғалаба қозониб, бош соврин учун курашини давом эттирмоқда. Иккинчи босқичда Ўзбекистоннинг биринчи рақамли теннисчиси швейцариялик Станислас Вавринкага қарши кортга чиқади.

Мазкур халқаро турнирда 13-рақам остида сараланган Станислас Вавринка биринчи турда Алберт Рамосни (Испания) 7-6, 7-6 ҳисобида мағлубиятга учратди. Эътиборлиси, агарда Денис Истомин иккинчи босқичда ҳам муваффақиятга эришса, учинчи босқичда дунё теннис жадвалида карвонбошилиқ қилаётган Рожер Федерер (Швейцария) билан баҳс юритиши мумкин. Бу учун Федерер ҳам иккинчи босқичда тайпейлик Ен-Сун Лю қаршилигини енгиши лозим. Лондон (Буюк Британия)да бўлиб ўтган Олимпиада ўйинларида Денис Истомин учинчи босқичда Рожер Федерер билан рўбарў келган эди. Гарчи ўша учрашувда швейцариялик теннисчиси 7-5, 6-3 ҳисобида ғалаба қозongan бўлсада, ўйиндан кейинги матбуот анжуманида Федерер ушбу учрашув мurosасис курашларга бой бўлганлигини ҳамда Денис Истомин ўта кучли қаршилиқ кўрсатганлигини таъкидлаб ўтган эди.

Раббонакул МУХТОРОВ

«Жаҳон чемпионати — 2012»

БАЛЛИ, ЙИГИТЛАР!

Россияда ногирон-ампутантлар ўртасида давом этаётган футбол бўйича жаҳон чемпионатида Ўзбекистон терма жамоаси мuddатидан олдин ярим финал йўлланмасини қўлга киритди.

Ҳамюртларимиз тўртинчи турда Англия терма жамоасини 4:2 ҳисобида енгди. Терма жамоамиз сардори Абдуҷамил Шукров ва Кудрат Худойқулов рақиб дарвозасига иккитадан тўп киритди. Футболчиларимиз гуруҳдаги сўнгги учрашувини Украина терма жамоасига қарши ўтказди.

Зоҳир ТОШХУҲАЕВ,
ЎЗА шарҳловчиси

Россиянинг Калининград шаҳрида футбол бўйича ногирон-ампутантлар ўртасида уюштирилган жаҳон чемпионатида Ўзбекистон ногирон-ампутантлар терма жамоаси юртимиз шарафини ҳимоя қилаётганидан мухлислар хабардор албатта.

ҒАЛАБА БИЛАН БОШЛАШДИ

Шуни қувонч билан таъкидлаш жоизки, амалдаги жаҳон чемпиони ҳисобланган Ўзбекистон терма жамоаси дастлабки учрашувини ғалаба билан бошлади. Ўзбекистон ва Туркия терма жамоалари ўртасидаги беллашув 6:1 ҳисобида ҳамюртларимизнинг ғалабаси билан якунланди.

Энди вакилларимиз Япония, Либерия, Англия терма жамоалари билан куч синашишди.

ЎРТОҚЛИК УЧРАШУВИ

Мухлисларга маълумки, футбол бўйича ёшлар ўртасида уюштирилаётган Осиё чемпионатида Аҳмаджон Мусаев бош мураббийлигидаги Ўзбекистон ёшлар терма жамоаси ҳам иштирок этади.

Ушбу нуфузли турнирда фақат совриндор бўлишга аҳд қилган Аҳмаджон Мусаев шогирдлари айна кунларда Саудия Арабистонида ўқув-йиғини машғулот-

ларида иштирок этишмоқда.

Куни кеча ўқув-йиғин машғулотлари доирасида Саудия Арабистони ҳамда Ўзбекистон ёшлар терма жамоалари ўртасида назорат-ўртоқлик

ДАВРОНБЕК — СОВРИНДОР

Беларусь пойтахти Минск шаҳрида дзюдо бўйича жаҳон кубоги мусобақаси уюштирилди.

Ушбу нуфузли турнирда иштирок этган ҳамюртимиз Давронбек Сатторов 90 килограммгача вазн тоифасидаги баҳсларда муваффақиятли иштирок этиб учинчи ўринни эгаллади ва бронза медали билан тақдирланди.

Акбар Йўлдошев

ТОШКЕНТ ОҚШОМИ

Манзилимиз: 100029, Тошкент шаҳри, Матбуотчилар кўчаси, 32

ТЕЛЕФОНЛАР:
Эълочлар: 233-28-95,
236-57-65, факс: (371) 232-11-39

2007 йил 19 январда Тошкент шаҳар Матбуот ва ахборот бошқармасида 02-1-рақам билан рўйхатга олинган

Нашри етказиб бериш масалалари бўйича турар жойлардаги почта бўлимларида ёки «Тошкент почта»га — 233-74-05 телефонига мурожаат қилишингиз мумкин.

МУАССИС: ТОШКЕНТ ШАҲАР ҲОКИМЛИГИ



Бизнинг электрон манзил:
vto2007@mail.uz

Душанба, сешанба, чоршанба, пайшанба ва жума кунлари чиқади
Нашр кўрсаткичи — 563

Ҳажми — 2 босма табоқ офсет усулида босилади.
4858 нусхада босилди.
Қўғоз бичими А-2

Нашр учун масъул
Д. Исроилов

«Шарқ» нашриёт-матбаа акциядорлик компанияси босмахонаси. Корхона манзили: Буюк Турон кўчаси, 41-уй

Бош муҳаррир
Акмал АКРОМОВ

Буюртма Г- 1041

Тошпириш вақти: 13.00

Босишга топширилди: 14.20

Газетанинг навбатдаги сони 17 октябрда чиқади.



МАШРИҚЗАМИН — ҲИКМАТ БЎСТОНИ

Бизни бошига кўтарадиганларни оёқ учига кўрсатамизу оёқ учига кўрсатганларнинг пойига бош урамиз.

Аслида ҳеч кимнинг кунига ярамаганлар ҳаммадан умидвор бўлади.

Ҳаётнинг ўзи қарашларингни ўзгартиради.

Ҳаёт йўлларида ким билан яқинлашиб, ким билан узоқлашиб бораверсан.

Яхши ёмон бўлиши мумкин, лекин ёмон ҳеч қачон яхши бўлмайди.

Инсон табиатининг тамал тоши оилада кўйилади.

Ёлғон гапириш ожизлик ва нодонликдан.

Доно ёлғонни ўзига эп кўрмайди.

Сенга бировни ёмонлаган сени ҳам бировга ёмонлайди.

Қандай қарор қабул қилишига қараб ҳам кишининг ақли ва тажрибасига баҳо бериш мумкин.

Миннат пичоқсиз сўяди.

Одамларнинг муносабати мавқеингга қараб ўзгариб туради.

Нодоннинг ҳақиқатидан донининг ёлғони афзал.

Инсоний ҳаётни яшаб ўтиш осон эмас.

Ҳар ким билганини ҳақиқат деб ҳисоблайди.

Одамларнинг гап-сўзини кўтариш, бу — донолик аломати.

Қадр-қиммат сўраб олинмайди.

Ақли ўткирнинг тили ҳам ўткир бўлади.

Бир умр бошқаларни муҳокама қилиб ўтамиз — ўзимизни таҳлил қилишни ўйлаб ҳам ўтирмаймиз.

Биз кўпинча сабабни унутиб, оқибатни айблаймиз.

Ёмон тарбиянинг асорати нохуш бўлади.

(Давоми бор)
Эргаш ОЧИЛОВ тайёрлаган

ЎЗГИДРОМЕТ
ХАБАР ҚИЛАДИ

21-23 даража иссиқ бўлади.
Ўзгидрометнинг мониторинг хизмати маълумотида кўра, 16 октябрда Тошкент шаҳри об-ҳаво шароити шаҳар ҳаво муҳитида зарарли моддаларнинг бир оз йиғилишига имконият яратмайди. Шарқдан секундида 5-10 метр тезликда шамол эсади. Ҳарорат кечаси — 8-10 даража илқ, кундузи

шароити шаҳар ҳаво муҳитида зарарли моддаларнинг бир оз йиғилишига имконият яратмайди. Шарқдан секундида 5-10 метр тезликда шамол эсади. Ҳарорат кечаси — 8-10 даража илқ, кундузи дари наст бўлади.